

小峴山人詩文集

小峴山人詩集卷十九

無錫秦 瀛凌滄

題朱竹垞先生歸耕圖四首

圖存錢裴山光祿處

前輩風流入畫圖
釣師曾記小長蘆
百年付與王孫手
太傅門庭已半蕪

遺逸題詞存舊卷
擬同看竹訂幽盟

竹垞曾爲魏叔子作看竹圖記今卷

內有叔子題句後來終應金門詔
不道歸耕又輟耕

翰墨曾教寫竹垞

方蘭士曾爲余臨竹垞圖

曝書亭子訪翁家
刹那

十二年前事梅會
何時更放楂

粳稻江鄉晚正肥
長鑿此日亦思歸
蔗田薑稜應無恙

料理西風獨速衣

又爲裴山題朱笛漁月波吹笛圖二首

長笛一聲長水過月波樓上月明多阿翁聞說豪於酒
合挈斜川貫月波

落帆一角隱寒蘆誰挂西風十幅蒲我是三州舊使者
也曾吹笛過南湖

寄王柳邨二首

江干五載別京國重離愁君尙海門隱翠屏何處洲歸
心似春草鄉夢又孤舟已被白雲笑勞生還未休

阮公能好士重領浙東西聞爾訪公去武林花滿隄應

逢徐孺子

謂雪廬

相對說卑棲吾道閉門好母令芳草萋

池上

空齋寂無事濁酒罷孤斟
逝言與朋好憩此清池陰
薄暑不成雨夕陽明遠岑
自諧邱中賞一鼓昭文琴

余家無長物惟前人書畫
二百餘種書三萬餘卷
別後頗念之恐飽蠹魚也因成一絕

我有茅堂屋數間無多家具
刷蕭然書牀畫篋應如舊
累我相思又一年

爲時帆題玉延秋館圖

吾兄前輩吳匏菴玉延亭子
崇文南風流韻事屬名德

詩文照耀充琅函成化以來去今遠沈圖飄泊夫何堪

吳文定舊有玉延亭在崇文門內沈石田爲之圖西涯篆字

西涯篆字僅存卷追尋

往蹟餘蠹蟬吾友梧門劇好事卜居獨近積水潭數間

老屋置文史入門樹石交差參平生愛詩入骨髓徧索

畫手圖詩龕不知秋館幾時構欲仿文定相趨趨玉延

微物詎足嗜漆園寓意非云航我居京師亦已久意興

瑟縮如秋蠶退食卻埽便鍵戶覽鏡白髮嗟鬢鬢門下

劇少趙寬輩祇對往詰如面談擬辭梧門去歸隱家有

亭樹當煙嵐好攜鴉觜種菘韭老農老圃吾猶諳并訪

菴菴舊題處尙有龍縫流清甘

吾家碧山吟社文定曾有詩龍縫泉吟社十景

之一
今存

李石農奉 命赦還赴江南河工

零丁萬里骨徒存天許流入返玉門曲坂羊腸經世難

窮荒馬角荷 君恩墳前宿草傷心色

謂朱文正

衣上清霜

積淚痕

石農於成所聞親計

此日河渠需買讓不知何策救黎元

栽竹

三年長安不見竹數竿偶爾栽篔簹晨榻送青入渭谷

午夢生絲臨瀟湘月來清影劇瑣碎風過餘韻猶鏗鏘

終當歸老九峯去臥雲高枕秋陰涼

吾家寄暢園之臥雲堂四面皆竹

曩余備兵浙西嘗以薄暮過東湖維舟弄珠樓下

作歌記事閱十餘年平湖令劉君炳爲余勒石并

繫以和章郵余京師因用前韻答之

昔年一舸浮東湖秋風高挂十幅蒲泛泛絕似煙中鳥
樓頭明月如可呼別來此景十餘載世事變幻成須臾
宦遊蹤蹟徧楚粵萬里天遠蠻雲鋪湘靈畫鼓洞庭瑟
蠻女夜采澗江珠使君兩鬢白於雪遲暮又復金門趨
東湖大尹寄石刻忽誦詩句如吹竽遙計登樓趁佳日
十千斗酒爲君沽題壁和我舊時什珠聯璧合德不孤

我今回首等夢寐誰能更寫江邨圖

高江邨晚居平湖金鄂巖曾貽我江

越圖詩成并寄秀州守煙雨樓亦煙模糊

余觀察浙西時李許齋爲平湖

令今守

嘉興

見新柳有感

雁齒紅闌十四橋江南舊事幾魂消
人生只有情難盡
又逐東風上柳條

四月一日

十二年前賦悼亡回思何事不神傷
陽溪一曲孤墳在
落盡棠梨種白楊

丙寅初夏余訪朱文正公於澄懷園出示遊崇效寺七古一章秋九月又示以極樂寺看菊和前韻作是冬公沒越戊辰四月同寧鄉陶子

章鴻

大興

樂子

嵩年

遊崇效寺看海棠寺僧出觀青松紅杏

圖卷余於是四觀是圖而卷尾則爲公詩根觸舊

事卽用公韻題卷附公詩後

東風吹落山桃花海棠幾樹紛吐葩朝禽呼我著遊屣
城西重訪僧人家花香撲鼻光照眼已睹絢爛頰如霞
花下復把拙公卷冷冷仙梵喧頻伽田盤紅杏留髣髴
歲月儵忽同奔蛇卽如前年文正筆猶見兩手橫吟義
王漁洋朱竹垞距今蹟已邈公亦歸去依毘邪斯人不
作我所歎搔首鬢髮添霜華

漆湖水居歌用元次山石魚湖上醉歌韻寄王楊

甫他日余歸老漆湖楊甫當如歸季思吳子往爾
君訪高子也

漆湖水連洞庭

謂洞庭山

把酒一攬羣山青山爲尊水爲沼

月坡疑坐神仙島釣竿微動魚吹浪楊柳陰中盡漁舫
秋風嫋嫋懷林邱美人不見令人愁

家芝軒先生約余同宿澄懷園賦呈并寄韓桂舫
粵東

開府秦中復豫章頻年曳履侍明光每緣讞獄畱魚鱸

上年同鞠案刑部日晡不得歸
畱正陽門令僕取襪被以進

何幸論心厠雁行薄謹

法曹同貶秩

芝軒由尚書降編修
余亦由侍郎降級

清秋高館又連牀停

林還憶南行客江上孤帆入瘴鄉

時桂船降廣東按察

七月十八日再寄桂船上年今日同宿一畝園聽

雨如昨日事也

病中獨臥薊門秋雨泛滇江水舟猶記西窗同翦燭
巴山夜雨不勝愁

遊山寺用昌黎山石韻

西山當戶橫翠微雨後溼翠林間飛修廊古殿出深鳴
山僧貌瘦山花肥緇塵奔走塵十斛似此林壑到眼稀
幽篁嫵媚倚危石好餐寒碧充腸飢斜陽未落在鳥背
已有明月窺僧扉解官無事興不極準擬日日窮煙霏

吾家遠在惠山麓雙梧壓齋鉅十圍每當撫琴坐樹底
涼風謾謾吹我衣人間富貴等脫屣老大何用仍長鞵
山中麋鹿尙無恙勸我掉首滄江歸

石農奉 命還家持服以詩送之

十載循良吏終邀大造仁已歸窮塞客不見白頭人
帝許持喪切君思負土親病中詩贈別不覺淚沾巾

爲憶驅車送寒風出郭門故人成死別一慟已泉原吾

道竟如此高才寧復存松公仍萬里遙望塞塵昏

石農言與

牟侍御昌裕交善遣戍時侍御送至彰儀門外今侍御已沒又伊犁將軍松公筠余故人也公以余故待石農

厚頗

中秋

瓊樓玉宇最高寒一謫人間欲上難
風露無心偏墮鶴
江湖何意更鸞鸞故園又作三年別
明月平分四處看
中夜病中頻起立有誰書札問長安

偶興十首

千章榆柳蔭雕甍山石坡陀一桁橫
聞說白頭孫少宰

曾畱殘夢記春明

余所居與孫退谷舊居
鄰近卽今所稱孫公園

空庭欲暮怯衣單秋色一叢還未殘
樹裏玲瓏斜日逗

花陰扶上石闌干

庭前雜植秋葵月
季野茉莉諸種

移取窗前折腳鐺
僊攜團月爇松明
挑燈重把楞嚴讀

聽得鄰葦磬一聲

何似江南黃葉邨空齋雨過雀爭喧京華太抵閒人少
輸與先生獨閉門

貼地松陰百尺垂鶴巢懸在最高枝山中自有閒風月
不遣長安熱客知

江南風景杪秋天橘綠橙黃又一年我比東坡添遠憶
鱸魚切玉雀披鱗

出門何似閉門強滾滾黃塵十丈長明日且遊極樂寺
菊花天氣近重陽

餉我霜螯自直沽登盤真似玉圻無

吾鄉之螯以出玉圻者爲上星

星簾火爬沙響便擬張帆下太湖

棊几緇簾映畫屏一燈如豆向人青簷前落葉聲兼雨
不管愁人不愛聽

楊子風帆葉葉斜六朝山色海門槎何時重釣滄江鯉
去問新豐賣酒家

秋興四首

頻年親切侍瑤京尺五天教侑鳳城霜老蓮房殘沼冷
雨飄槐葉斷階平巢痕夜月棲鳩鵲鱗影秋風動石鯨
消渴曾餐仙人掌露晶盤盛處是金莖

天南畚插歷春冬盱食疇咨厯九重茅屋萬家沈井

竈洪河九曲蟄魚龍水衡錢屢資鹽筴少府錢徒費大
農袖手臣工無上策何時底績議酬庸

河入桑乾接大荒薊門煙雨極蒼茫未歸此日雙蓬鬢
最憶臨溪一艸堂稻蟹三吳憂澤國尊鱸八月夢江鄉
故交已化遼東鶴縱飲何人伴葛疆

烏鵲驚寒蟋蟀吟衰年容易感蕭森丹楓紫塞清秋思
白雁黃花故國心落葉有聲愁自語美人不見夢難尋
涉江欲采芙蓉贈萬里相思寄遠音

望家書不至

秋至盼南音卽今秋已深有愁添白髮無字抵黃金兒

女燈前夢蛩蟻雨後吟頽齡保明哲吾亦謝朝簪

再題龍山一角圖

自昔登臨處別來經幾秋名山愛禽向舊侶少羊求泉

瀨通花鳴松雲墮石樓尙書解組地聞說有丹邱

先端敏築

別業於惠山後歸先
中丞有丹邱小隱

極樂寺

曲鳴已無徑寺門黃葉深寒潭照行客叢竹響秋禽日
午磬方寂雲移庭半陰西神夢中路應識欲歸心

九月六日招集同人補祀王文簡公生日兼祀先

宮諭適覃溪閣學先期借示戴笠圖因用精華錄

中題先宮諭然竹集卻寄七古詩韻附書軸尾

濟南名士多如鯽三百年來無此客

宛陵梅庚
像贊語

石帆亭

古蠶尾青七十二泉涵清冷先公乙未同齒錄寄阮詩
編今可讀題詩公亦寄江陵方汲清湘然楚竹上年我
祀玉局翁此日又拜新城公千秋兩髯戴兩笠請公一
吸玻璃空

再題戴笠圖二首一用文簡送先宮諭歸梁溪韻
一用嚴人宏寫碧山吟社圖題詩畱別用韻送之
韻余家藏沈石田碧山吟社圖閣學屢爲題詠人
宏所贈文簡圖聞亦仿石田法今不知流落何處

矣

解識無聲妙請看壁上琴唐賢發高響絃外有遺音曠
世誰孤賞公知三昧深傳薪得禪喻把卷一沈吟

閣學來詩

云借問王裴吟鞞水何如韋柳接柴桑
此閒迦葉拈成笑笠子圓光小像旁

吾家吟社好幾載別雲林攜得石田卷九峯黃葉深公
眞愛邱壑余亦念登臨揮手自茲返何須感陸沈

雨後過趙象菴齋訪菊

又到鷗波宅殘秋興未忘黃花雙屐雨白雁一籠霜載
酒穿苔徑移琴就石牀知君愛晚節眞意託柴桑

象菴齋中盆蘭忽發三莖畱詩以誌

秋風何嫋嫋黃葉亦已萎孤芳誰爲賞獨抱空谷姿寒
叢兩三莖忽忽吐華滋縱自惜晚晚翻成造物私彼美
殊娟娟不隔沅湘湄撫琴動幽操餘香出簾帷霜霰幸
勿侵歲寒以爲期

題畫蘆花

蘆葉蘆花滿釣磯江南秋景想依稀爲儂寄語煙波叟
細雨斜風吾欲歸

題畫梅

玉妃夜戲瑤臺傍蓬萊月浸玻璃光冰姿鐵幹誰寫得
前身或是王元章

以詩邀覃溪閣學

北平學士老逾健閉戶著書多樂方我有茅齋足小坐
招邀同醉菊花傍

寄朱麗臯

長安君下第又返江南邨歷隴雲當牖陽溪水映門自
茲棲學舍何異隱邱樊休羨銅章好紛紛詎足論

麗臯始以

知縣用旣
得學博

自懷柔至密雲二首

分明鳥背夕陽寒風戰千林木葉乾關塞一聲何處雁

有人今夜宿牛欄

山名

衝寒匹馬過檀州未了邊山繞驛樓樓上何人吹瘧栗
西風捲入大荒秋

道中作

四天如幕塞雲垂殘葉紛飛入斷陂古道平沙連白艸
亂山孤店逗青旗寒風勢趁歸鴉急落日情爭倦馬遲
前路欲投何處宿重捫壞壁舊題詞

九月廿八日陶季壽招集賞菊

菊影扶疎尙未殘深宵翦燭話清歡每邀山簡池邊醉
眞似陶潛徑裏看塞上風高鵬鷃健尊前酒壓鷓鴣寒
飄逾華屋狂歌處只欠銀貂舞契丹

八世トリ言集 卷一
題葉白湖玩月曲後

玩月秦人以
藝勝善舞

拉雜秦聲動一時
梨花夜月淡
臙脂彎弓騎馬
物豪甚
不賭黃河遠上詞

箏琶聲裏踏紅綃
掌上風輕鬪舞腰
十月京華逢小雪
羊家靜婉足魂銷

誰唱梅邨樂府來
中年詞賦極悲哀
相逢何必曾相識
贏得歌場醉幾回

謝路明經

景辰

贈喬嶽長松圖畫幅

名山最愛陽羨未得山中買
田似此煙嵐疊翠巖壑如

遊善卷

謝路孝廉

同辰

贈陽羨新茗

餉我旗槍穀雨前烹來只欠惠山泉
長安瀕茗添佳話

勝把宣城綠雪煎

先官諭有謝施愚
山惠綠雪茶詩

挑燈夜坐聞窗外朔風甚大百感紛集用前韻三

首

不記當年被酒時看花夜雨溼臙脂
祇今老大頽唐甚

淚盡風人明月詞

漁洋詩云接躡
風人明月篇

絕代佳人隔絳綃曾教瘦盡沈郎腰
朔風雙鬢吹成雪

哀樂無端向此銷

離雁紛紛絕塞來江南付與子山哀
牀頭金盡賓朋散

綠酒紅燈首重回

遇陽羨人無不知有吳槎客者賦此寄槎客

自昔荆南記寓公桃溪客話話鄉風只今膾炙邦人口
團扇家家寫放翁

蘭雪出素冊索書近詩而蘭雪久不作詩因用其
題秋林讀書圖舊作韻續書於冊冀蘭雪之一破
懶也

宣武坊南寄數椽三秋兀兀把殘編人懷歷下談詩叟
事遠虞山作畫年書庫石帆尋舊夢龍樓鳳閣記前緣
北平一老歸然在指點圓光象外禪

送季壽聞母喪南歸

季壽磊落士詩學蘇長公頻年就選人奔走塵埃中南
望五羊城堂上嘆尸饗銓除會有日稍冀祿養豐蒼黃
聞遠訃忽忽遘鞠凶捧檄志未遂憂患丁厥躬迢遞粵
江路白雲浩無窮子當從此逝結束殊匆匆我欲往送
之雪霰穿簾櫳天寒人馬縮嚴冰塞長空子家在湖湘
老屋委蒿蓬子立鮮兄弟蹤跡如孤鴻艱難御旅櫬五
嶺蠻煙重人生愴風木我昔與子同卽今日衰蹇白髮
成老翁長安朋侶盡將歸一畝宮後會未可知廣野吟
悲風感子明發懷長號問蒼穹

憶惠山月夜

畢景衆峯斂月出高齋前遙憶惠山下齋中人未眠長
松滴清露古磻鳴紅泉佛屋夜深火上方何處禪

周松靄先生八十以詩寄贈四十二韻

海昌周先生今之井大春讀書貫百氏腹笥蟠輪困丹
鉛不去手著述早等身音書辨尤晰絕學傳其眞茫茫
秦漢後千載窮窮塵先生事精討用意獨苦辛上溯介
正義下究許存文舊說闢邪郭衆論芟蕪榛識高出毛
西顧寧心得歸樸醇同時錢少詹大辨難徒斷斷巨編
三書在剗剗方鮮新永遠壽梨棗百世當不湮先生今

八十高枕滄海濔番番黃髮叟風骨還嶙峋龐眉與兒
齒碧色雙瞳筋憶昔公車日京雒才名振綰符適西粵
澤徧岑溪民前後列循良實與劉子均俎豆祝畏壘政
績垂貞珉

李少鶴有岑溪三賢記

歸來已卅載蹤蹟甘隱淪偶挂

綠玉杖亦戴白氎巾朝茹巖際朮暮采湖中蕪名山自
怡悅不復思蒲輪安瀾開講席多士期陶甄白日擁皋
比子衿來僉僉重使甲第盛席上羅羣珍後年紀庚午
將復覲國賓登科歲週甲盛事誇邦人我嘗訪君廬委
巷連重闔先生過我舟握手殊權忻問學博以洽顏貌
溫而純今別亦已久衰年玷朝紳貶秩暫閒居望遠增

吟呻臣精已銷亡夙志常逡巡耄學輸老輩佔畢老更
勤伏勝共轅固先生殆其倫入山把樵斧沿溪弄釣緝
明年我亦歸簞食安清貧庶同佺僮友并與木石親君
來五湖上惠山可卜鄰試躡三茅峯長嘯狎鹿麕松風
聞謾謾醉臥花間茵

冬日雜作

朝聞烏雀喧歡聲滿庭宇主人初盥漱晨曦上窗戶愛
此冬日暄階除偶布武林木葉盡脫疎影轉可數仕宦
三十年於世百無補味菜餘家風歸與事田圃

身居人海中逸與塵世隔呼童烹苦菘門巷無來客惟

有初中丞偶共數晨夕中丞方居廬讀禮手不釋相對
亦何言中心但脈脈我生本迂愚卻復好辨說所幸直
諒友爲我進規益遠懷歷亦人煙中鵲華碧

百菊溪書
來箴余多

言

香山六十六曾作齒落詞余年適如公早覺血氣衰齒
牙僅脫一存者都參差斷齟體徒具阻嚼力不支行當
付搖落一一與我辭公昔罷刑待歌舞常自隨後來遣
小蠻作詩賦楊枝我今一無有寂寞惟下帷祇羨還東
都園亭隨所宜有花兼有竹有石亦有池青山願獨往
晒彼泥曳龜

我昔聽頗聰，聲音辨隔垣。胡爲火內燼，兩穴鳴且喧。始
疑瓶笙響，繼訝風濤奔。臂聳然奪真，聽轉不問人。言得母
氣所障，遂令鬱不宣。偶處廣座中，吾舌只可捫耳聾。我
不辭終日生憂煩，老子貴守雌。萬物歸胚渾，昏昏與默
默。幸勿聒耳根。

吾弟久不至，江天勞遠眊。誰道三秋期，倏已歲云晏。弟
也爲吏賢，煩劇才足辦。學古乖時趨，中懷集憂患。解篆
已七月，淹畱事多幻。坡公想對牀，心曲亂難縮。吾兒亦
無書目，極彭蠡雁。

吾生骨肉閒，境遇無一適。都無一壠植，曷免困衣食。弟

妹在南中別來歲屢易吾嘗育三女最幼生死隔長女
苦早孀攜子歸我宅只有施氏女夫婦劇相得大兒遊
西江次兒守鄉國山田屢不收租稅苦侵迫孫男已滿
前庶幾保先澤大者已長成少者猶未識

昨夜夢遊仙疑入蓬萊宮一峯高萬丈瀛海環其中
有仙之人炯炯雙玉瞳白髮雪垂肩顏似桃花紅朝行
騎餓虎晝眠抱癡龍不知何年歲或是浮邱公問之了
不答手指階下松餉我黃精飯許作百歲翁此非我所
望但願爲耕農幸生太平世白首歌年豐

覃溪先生拓風水洞厓壁蘇題四楷蹟作長歌誌

之芷灣編修竝有和什亦用韻賦此

我昔曾遊風水洞剡石欲補坡公詩公詩剡泐亦已久
崖壁姓氏如當時七百年來見拓本况有妙句揮淋漓
先生過杭亦偶爾游跡到處放厥詞海南太史示和作
筆墨各有神扶持前身玉局我自詡杭州再到難追隨
石屋水樂等夢寐湖山勝處心徒儀水仙廟前數間屋
公之魂魄常呵撝梅花當戶竹穿牖只恐風雪無人窺
小峩嵎中久寂寞湖水颯颯寒風吹吾家距杭四百里
山靈有約無然疑明年陽羨買田去鼓櫂重訪西湖湄
桃源更尋風水洞好事一任兒童唾蘇祠瞻拜復一笑

我亦洞畔留鬚眉先生聞之合生如吳人項子而外還
偕誰

覃谿又賦七律一首和韻答之

洞壑泠泠風水涼展公新什羨遊杭置身寂寞蘇齋裏
題壁依稀石屋旁更憶殘碑曹橋李每聞鄰笛感山陽

謂王蘭泉先生

白頭留得靈光在未許寒宵共一觴

爲夏伯田題畫竹

夏生就我荒齋宿袖中攜得湘雲綠我昔浮湘曾見之
黃陵廟前一竿竹

刀魚吟

刀魚江南人謂之刀鱗味美而食之有益相傳魚上時老漁毛髮都綠烹魚輒和以

新
卷一
七

春江昨夜春水生銀刀欲上春潮平網師舉網毛髮綠
雪色織鱗脂似玉江上人家新韭香梅花亂落春風狂
憶曾花下開春甕酩酊佳人錦瑟旁

清明

一番花信一番風吹到清明花欲空日日情拋詩卷裏
年年春老別離中只看芳草連天碧刺有衰顏對酒紅
憶著棠梨開徧處人家上冢學龐公

送百菊溪總制兩廣四首

制府當朝傑賢臣授鉞宜重持五管節又勒百蠻碑嶺

表雲霓望山東父老思揚舫下瀆水魚鳥識旌旗
服領南荒盡滄波下瀨船曾驚幻蜃市從喜息蛟涎受
誦緣違俗焚香只告天攀轅思往事何止萬人傳
慷慨蒼生念崎嶇白髮身寸心惟報國大道在宜民
世但推鷹隼吾方羨鳳麟嶺南千萬戶恩澤沛如春
不復國門送將離盡一觴輪囷露肝膽涕淚灑衣裳後
會期難必臨歧話正長祇慚衰白早獨立向蒼茫

卽事

園亭花事正芳菲惆悵明朝春又歸莫道東風無氣力
榆錢攪得滿園飛

雨中寒食

過半春光已漸闌，鬢絲憔悴客長安。
飄零又見落花落，料峭尙憐寒食寒。
可有山禽啼滑滑，耐他風絮攪漫漫。
天晴準擬尋遊去，爲道佳辰近采蘭。

偶於扇頭見芙初，翰林爲蓮花博士記室作聽香館畫蘭賦，輒詠一律，卽簡博士。

役役緇塵久廢吟，忽傳屏面愜幽襟。
西方彼美流蘭韻，南國才人有賦心。
愁入春風湘畔草，彈將秋月海邊琴。
頻年搖落誰能識，采采芙蓉感不禁。

博士韻年下第故及之

舟行

涼氣不成雨水風衣上生遙從葭莢外聽得一蟬鳴萬
事苦形役孤舟愛晚晴官橋近通路斜日林閒明

獨坐

日斜了公事獨坐道人齋涼意先秋至幽情過雨佳疎
花時倚戶小竹亦穿階卻憶故園子別來誰與偕

廣渠門外泛舟作

鯉魚跳起尺波紅搖蕩煙蘆壓釣筒幾個鷓鴣掠船去
晚涼吹落藕花風

魚標颺處酒帘斜隔岸煙邨得幾家點點閒鷗低拍水
夕陽紅映水蒨花

活水源頭認玉泉，垂楊遙蘸碧於天。
夜來新漲添如許，撐出前汀放鴨船。

法時帆作淨業寺看荷詩，徧索和章，不予及也。因賦此詩傲之。竝邀吳蘭雪、屠琴鴈諸子和。

我是蓉湖種荷叟，狂喚荷花作好友。
興來閒放蓉湖船，荷花萬柄詩萬首。
自容長安別故鄉，頻年不到荷花莊。
美人娟娟隔秋水，秋風嫋嫋煙蒼蒼。
人海中惟法庶子，門外荷花紅十里。
全家都住鷺鷥中，蘋雲倒浸玻璃水。
今年荷開詩早成，邀客酬和因聯盟。
庶子有詩不余示，豈以塵土乖幽情。
時余方僕僕通潞，較量升斗之役。我當掉頭返林藪。

人海茫茫復何有禪房蔬筍不足誇何如爛醉蓉湖酒
酒美不惜金叵羅況有荷花出素波賞花置酒明月上
醉聽吳孃欸乃歌

題浴日亭圖

舊日登臨處孤亭表大荒天連巒樹黑地入海雲黃

鏘石凌縹緲

余嘗書浴日亭額勒石亭上

看圖接混茫東坡遺蹟在極

目指搏桑

奉命授內閣學士兼禮部侍郎有作

豸衣親染

御爐香

是日御門瀛以副都御史侍班

吳命傳宣出

未央右掖秩尊唐制誥南宮人羨宋歐陽

余先以會試充知貢舉

不與校文之事而
體制與古相埒

一時

綸綍恩尤渥

是日又奉命
兼署副都御史

四世弓裘業倍光

先宮諭以康熙甲子將遷翰林
學士旋罷瀛得是秩尤爲逾分

猶憶

昔年薇省直記曾橐筆賦長楊

瀛先以獻賦授內閣中
書於今三十餘年矣

夢遊惠山作起用東坡集歸去來辭句

與世不相入無人聊獨尋炊煙谷口散落葉寺門深竹
裏聞寒磬松閒數暮禽泠泠古澗水知我舊時心

用前韻寄破迷主雲兩長老

舊識南屏路祇園不可尋豈真覺地遠無那世緣深鄉
夢迷吳岫歸懷感越禽終期兩開士松下證禪心

滌硯

愛此端溪石呼童汲玉泉攜來古桐底滌向秋窗前待
爾開湘管因之拓剡箋舊遊如夢寐采采松臺邊

攤卷

官事忙難了攤書興轉慵偶將殘帙展如與故人逢於
此豈無得舍之安所從吾家高閣上一別幾春冬

吾家
有小

峴藏
書閣

憶亡友俞漪淥

忽憶同懷侶相依松桂林談經白鶴院趺石碧雲岑
賦度嶺什遂傷離雁音已成生死別愁絕去來今

夜坐待月

颯颯秋風至，膝琴方罷彈。
碧梧涼葉下，高館一燈寒。
素節知衣薄，家人語夜闌。
爲言林月上，好起捲簾看。

慈仁寺遇一僧年八十餘云是勞山人終日趺坐
與之語微笑而已以詩贈之

一僧日趺坐，來自勞山岑。
白髮頂邊雪，青松腳底陰。
雲知不壞法，鳥識無言心。
對爾發遐想，寥寥海上吟。

古意一首有諷

猗蘭生幽澤，將比杜若芳。
厥種詎不美，幽姿殊衆常。
宜使勤保護，騷人擷其香。
奈何溷荆叢，輒令蕭艾傷。
左徒念蹇修，獨立空傍徨。
從茲成隔絕，徒悲沅與湘。

十一月朔日齋中菊花尚開冷艷可愛賦此

殘冬歲將晏蕭條悲凜節百卉既無榮萬葉亦已折憐
我齋中菊冷艷尙殊絕我生抱孤貞於世無可適愛此
霜雪姿相對共怡悅與尔同歲寒晚晚矢金石

送人還江南

上日乍過春社畫簾乳燕呢喃潞河新水初漲挂帆便
下江南

別緒情深百尺淚灑桃花一潭最是斷腸春色夢魂先
到江南

到處河橋酒幔煙中楊柳鬢鬢挑笋煮茶天氣風光漸

近江南

長洲苑裏芳草光
福山前暮風試聽吳孃一曲畫船春
雨江南

花下吟四首

春來芳信幾番尋
偶把春懷寄短吟
月底燈前相看處
費儂多少惜花心

江南三月不勝情
鸚鵡簾櫳喚曉晴
最憶小樓春枕上
東風吹到賣花聲

春光掩冉透窗櫺
花氣薰人酒未醒
只恐東風易狼籍
殷勤分付護花鈴

六街踏徧又經年塵土長安苦沒鞦明日吳儂便歸去
五湖先買種花田

和芷灣荷花詩二首

疎慵無賴少新詞渺渺余懷只自知入遠西冷斷消息
夢回南國繫相思試尋曲港叢祠畔暢好風清月曉時
湖上髯翁應憶我高樓寂寞颺雲旗

余曩築蘇祠於西湖之上荷花最勝

蓮蓉湖浸五湖天一別年來劇可憐白髮看花豈無分
名姝對我尙欣然

荷花如名姝余舊句

波澄玉沼依龕佛柳拂金

隄拜水僊明歲還家此時節思君定一寄蠻箋

夜坐

八
卷
上
言
集
一
頁
一
七
三
深巷斷車轍始得幽絕境
風泉迥遠壑蘿月散清影
坐見河漢橫聞鐘夜方永
重露滴無聲但覺衣裳冷

山寺

夔山西畔始逢僧
佛火還懸最上層
野鼠穿松銜墮果
嶺猿挂樹絡寒藤
荒煙草沒前朝刹
古徑人尋廢帝陵

謂明景

太息媚璫諸宰輔
龜趺百尺聳峻嶒

前明佛刹多闍人營

建碑文皆宰輔作也

十二月十九日祀坡公於尚友齋用三過堂原韻

三首

公昔留詩滿浙中
鬚眉曾識到兒童
一生富貴歸春夢

終古文章仰太空，偶煮風颺禪有味。漫勞版築我何功，當時只憶峨眉好。萬里巴江東復東。

荒亭寂寞似孤邨，舫繫斜陽一叩門。且喜眉山陳跡在。

試同吳下老僧論，殘碑已覺莓苔蝕。往哲終宜俎豆尊。

座上更嬌淮海像，花能作供鳥能言。寺僧於堂之左增奉先淮海像

風雅曾傳龔太守，勝朝舊事邈難尋。萬歷中吾邑龔方伯勉守郡時修三

過堂始繪像立石吳船入夢還如昨，巴叟歸泉直到今。僧掃空

庭殘雪徑，鶴巢古樹暮雲心。際公此日應無恙，惆悵東

山壠草深。重修三過堂係際如上人而硤石東山僧素清佐之今素清已物化

小峴山人詩集卷二十

無錫秦 瀛浚滄

送程鶴樵侍御視學粵東二首

江國持漕節銜 恩復嶺南須知儒術重要使粵人諳

萬里爰荒遠三年教澤覃平生奇絕處觀海極瓊儋

往喆陳

白沙兼湛泉

皋比擁若何衆方迎牙服海已息鯨

波風月江門在詩人嶺嶠多羅浮今寂寞誰向艸堂過

馮魚山有小羅浮詩集

余嘗與家芝軒尙書同宿南石槽今重過此尙書

已沒感而有作并寄韓桂舫中丞

尙書已不作獨此過檀州空負白雲約重驚黃葉秋浮
生念萍梗歸骨感山邱卻憶韓持國功名瘴海頭

慈仁寺古松歌

慈仁寺裏多古松株株天矯如虯龍之而鱗甲徑欲上
夫去雲掣霧攫紛追從天公拋擲不肯受墮落下界歸
禪宗蒼皮斑駁篆籀古黛色匝匝莓苔濃輪困膠枝破
蘿葛連蝮長鬣垂蒙茸鬼火夜燭猱獾窟雷斧晝劈蛟
螭胸黑入太陰盛夏起霜霰六月慘澹疑秋冬我聞黃
山擾龍松最奇未得往訪支孤筇此松此間不易得飛
來或自天都峯金元劫火燒不死造物赦汝畱遺蹤銅

根鐵骨拔千尺碧幢翠蓋張千重地下靈脂化琥珀包
孕元氣神明鍾畢容韋偃不可作誰與畫手寫此偃蹇
支離容偶跌磐石戀清景西山樹杪遙逗青芙蓉忽然
天風振林木長江九派颯沓寒濤春招提不覺坐來夕
寺僧已打斜陽鐘

暑雨不止蘭雪貽余以詩用韻答之同陳碩士作
長安六月苦淫潦每念故國如蓬萊九峯二泉不可到
抑塞誰把心顏開檐前雷雨響急瀑門外車轍轟奔雷
有田不歸奈何許徒使猿鶴空山哀

法公作書示博士打門索句同催租

時帆近作看荷劇
詩索蘭雪和

小雅詩集 卷二十一
憐宦情苦逼仄徒有詩思傾江湖懷鄉爾頗乏善策濟
世我亦無良圖一尊聊與同父共酒罷仰屋空嗟吁

爲汪生

正盦

題桑乾秋別圖

長安盛冠蓋榮利同一趨所志在千古豈復懷區區皖
桐有國士挾策來上都知已竟難遇不辨明月珠騏驥
困鹽車長鳴良足吁三秋戒行李徒御遵前途桑乾河
流急仰視浮雲徂黃葉被長坂別情與之俱努力崇令
名執手一踟躕

寒夜屠琴塢招集藤花書屋得七古一首

冬十一月藤無花橫枝倒挂猶槎枒主人招飲古書屋

凍雲壓樹啼昏鴉清尊不厭酒百斛聽爾高歌勝竹肉
小住權爲花主人明歲花開非爾屬時琴塢已
除儀徵令畫船打
槳到橫塘青山十里桃花香回頭京邸花滿架簾外一
任春風狂

示琴塢卽題其說詩圖卷

溫柔敦厚詩之教其道乃與政事通今人作吏廢吟詠
吏治龐雜難爲功琴塢翩然湖海士少年筆硯常磨攻
賦詩座客盡傾倒西冷老輩輸其工去年登第入翰苑
清望如挺百尺桐何期一朝改官秩蹤跡忽墮塵埃中
旁人輒爲琴塢惜余獨致慰毋忡忡古來循吏炳史冊

不假館閣相推崇
充公語人重政事
寧以內外分雌雄
玉堂文章最庸陋
何若惠政甦疲癯
政成輶軒貢天子
謳吟下采閭
閭風應笑寒儒臥蓬蓽
閉門說詩如秋蟲

爲左杏莊題長江萬里圖

人言灑灑大於馬
瞿塘險絕不可下
謫仙不作放翁死
酒腸欲借長江瀉
平生未作錦城遊
羨爾歸乘萬里舟
巫峽天邊半雲雨
亂猿啼處是巴州

題陳白沙先生詩卷後卽用原韻

江門早悟性中天
奇趣都從象外傳
識得風濤浴沂意

不須童冠也翛然

辛夷花盡杏花飛樂事田園六載違
山窗亦有數竿竹爲問先生何日歸

題風雪歸帆圖卽送潘比部

正中

歸嶺南

桑乾河頭風色惡寒壓狐裘雪花落
有客結束千金裝歸心已返羊城郭
羊城迢遞滄溟邊東南山川走連綿
計程車騎過齊魯渡頭先上江南船
江上揚舲問揚子一葉乘風片帆耳
便渡錢唐入穀溪尙隔家鄉五千里
峽江以南十八灘灘師日夜愁飛湍
弭楫重經大庾嶺楓人木客寒雲端
君家舊傍仲翔宅西樵濛濛浸江碧

渡口潮聲撼海幢波閒月色涵珠石此去君應過我廬
梅花開徧惠山無蕭蕭風雪推蓬夜
漁洋尚書雪中回訪先宮論句

首長安有老夫

為左杏莊題葛嶺蒿廬圖

我昔營橫山遂作丙舍圖卅年志未遂誓墓徒區區既
而官杭州屢過北山隅華君為指點左氏有墓廬家世
本晉陵遠葬何為乎生前翁自卜術不繇青烏愛厥葛
嶺勝前傍金牛湖左可掛水仙右可攜林逋生愛死即
窆此間良足娛弟昆奉遺命鬱鬱松樹株伯子吾舊友
早已歸泉壚仲子仕皖江兩次來京都示我蒿廬卷令

我增歎獻別家又五稔橫山何縈紆我親葬其上魂魄
依楸梧歲時付子姓代薦酒一盂弗克躬祭埽歲月日
以徂謂當乞骸骨歸事耕與畚白雲爲我招老鶴爲我
呼乘暇作近游或上餘杭舫重過葛嶺下蒿廬宛在夫
待子政成返巖壑同所趨允哉首邱願斯盟期不渝勿
令墟墓閒僅竄鼠與鼯

寄韓桂舫中丞二首

塞雨燕山北蠻雲嶺海東故人萬里外吾道一心同波
浪消鯨鱷音書託雁鴻 王言并庭訓移孝作公忠
相見復相別吳江又粵江百年成我老萬念向誰降制

府真稱傑

謂菊溪

巖疆共建幢三春煩寄訊昨夢逐奔流

吳兔牀寄余湖樓題壁詞調寄訴衷情近并云西

冷士女皆能唱此詞想見淮海當年也余感其意

賦答一章

如繪雲山似舊時使君一別鬢成絲西冷士女嬉春處
都唱湖樓壁上詞

兔牀葬其姬人於永安湖上之梅花下感成一絕
余爲和韻寄之

斷送芳魂只一棺
蘼蕪草長護新阡
斷腸付與東湖水
種遍梅花作墓田

時帆閉門示疾以詩招之

我憶梧門叟臥疴水一涯閉關親藥裹把卷得煙霞

時帆

愛畫

三月不相見春風開杏花花前肯同賞對酒帽簷斜

上巳前一日偕張船山小飲吳雲海齋中賞花遲
法時帆不至用船山韻

甘番風信送餘寒寒食輕衫著未安日下故交容易別

船山將
出外

酒邊好事尙相干堂堂春向塵中老漠漠花從

霧裏看却憶城中法宮庶不來清話證蒲團

故國鷗盟我久寒可堪白髮滯長安閒情詩酒還多戀
浮世勳名已不干曲徑慣諳容客醉淡霞輕抹泥人看

小圃上言集 卷二十一
明年望益重修禊泉上松風湔小團

望益樓在惠山

趙象菴招飲有懷初頤園時頤園已罷巡撫方自

晉入秦

年年未肯負芳期投轄斜街又一時有約花前新置酒
重看壁上舊題詞清尊却念良朋隔直節應邀 聖主
知晉樹秦雲春望裏近來怙悵報書遲

秋海棠

薄暈淺於霞盈盈隔絳紗那將美人淚染出斷腸花拂
露莓苔溼含風薜荔斜曲闌凝睇處寂寞是誰家

齋中黃白菊花數本小雪猶開賦此

一自重陽後花開直到今珍應同白璧價欲抵黃金似
此冰霜節感余遲暮心南山不可見有酒只孤斟

邵生

書稼

寄龍井茶至酬之以詩用歐陽公集中

韻

前在杭州偕汝翁解舍同瀾龍泓茶三絕真備色香味
一甌滿座爭傳誇汝翁不作過十載轉瞬歲月如修蛇
京師茗飲苦惡劣那得佳莛供吧呀何幸邵生遠念我
惠我香筠包靈芽想當篔嶺春二月冷泉玉液涵菁華
雙旗焙出小團碾石銚無取窰尊窰仙山絕品故無匹
物小珍重多於麻桑苧有經忠惠譜坡翁漫擬同天斜

小影山人言集 卷二十一
武林春色忽吹到千里拜賦何其嘉頭網八餅香沁骨
蘭畹撲鼻懽無涯松風活火魚眼細雪泛玉乳旋生花
停匙側盞坐樹底冉冉月吐金蝦蟆聞說朱門厭梁肉
烹羊炰羔吁可嗟飲此一洗腸胃濁肉食底用於陵哇

孤梅

台傍林逋宅詩魂不可招孤邨流水外漠漠想高標淡
月媚幽獨數花開寂寥歲寒誰汝伴一鶴唳清宵

哀樂生

嵩年

京師建書院首善興才賢近日廢不講虛名乃徒存余
昔尹京兆課士躬必親生徒集講堂未喪在斯文高下

第甲乙暇輒與討論樂生應首選卓然冠羣倫執經來
請謁言貌殊恂恂不獨文字佳其人溫且純居家尙孝
友內行頗克敦無何我遷秩嗟爾命運屯頻年困有司
素志無繇申齒今過四十始獲觀國賓榜上見生名軒
眉一欣欣冀得登上第庶以慰苦辛不謂遽嬰疾遂致
殞厥身燈燼暗虛壁霜雪淒殘魂惡鬼嘯白晝妖鳥啼
黃昏生旣鮮兄弟壁立家甚貧堂上有白髮誰爲供饗
殮膝下尙少兒其婦聞有娠男女未可知或邀造化仁
作詩用志哀地下生其聞

寄題靈隱寺書藏一首

書藏爲阮芸臺
撫浙時所建

前年中丞寄我書索我詩文藏佛寺奔走鹿鹿塵埃中
逡巡未遑檢篋笥無何中丞亦北來今年示我書藏記
道藏釋藏徧海內渾源實自儒家始周禮宰夫掌官契
柱下老子爲職志二氏沿襲非其倫侯官數典亦未備
中丞博洽越前輩偶以清暇舉勝事蒐羅諸部紛琳琅
區分一一各標類靈鷲峯前大悲閣廣置書廚觀薈萃
慎選僧徒恪守之勿令他時稍失墜我今乞身將南歸
杭州尺咫一帆使琢堂狀元無恙在石琢堂曾與斯事同訪名
山窺綠字我集詎足當弄藏或附一編慰公意壁間公

記并翁詩

覃溪閣學
先有詩

千秋不磨傳福地

十二月四日請告得 旨准其回籍養病感 恩

述事敬成二律

頻叨法從點 朝班衰病侵尋合退閒一疏暫敘歸白

社 九重未許乞青山欲酬 聖主終孤德若對先人

輒厚顏端敏公勳德並著以南大司馬致仕七十懸車嗟已老 鳳城揚

柳記堪攀

鶴立宮門曉日開微臣無地効涓埃忽聞 褒語傳中

禁豈有聲名重外臺上有前在外任官聲亦好之論頑礦已難加拂

拭朽株尙欲予栽培春風三月桃花水滿載 君恩一

躬回

十二月十八日祀坡公於尙友齋余自來京師於

是六祀坡公矣同集者仁和陸給事言海寧陳編

修傳經安廷張編修岳崧新會盧水部文錦涪江

宗姪爲成

千載公名貫斗牛長安祀事又重修夢醒南海桄榔雨

吟斷西湖竹柏秋有魄能招還未死無田可買亦歸休

時余已贏他无咎文潛後我祖於今澤徇是日仍並

在告公祀先淮海

又用牛字韻二首

新祠一角俯金牛余向築公祠于西湖欲往從之道阻

修西望峩嵒煙際遠南飛赤嶼鶴聲秋曾經黨錮同文
獄太息宵人萬古休只有蘇門名不滅精靈來往雪泥
畱

舊跡重尋似磨牛平生尙友企前修將歸陽羨幾千里
不見先生七百秋三宿只今餘眷戀九重許我暫閒
休長安六度陳椒醕合作新聞日下畱

素心臘梅

鼻觀旃檀香檀心向人展黃雪祖師禪疎花滿幽院
以龍井新筍餉盧東川副以陽羨茶具一器得詩

二首卽貽之

荆溪茗具劇精神應仿龔春與大彬龍井旗槍成兩絕
鬪茶天氣乳花新

聽松菴裏竹爐邊期子同烹第二泉攜向白沙洲畔去

江門風月靜中天

東川居新會陳白沙先生講學處

爲東川題荷塘弭楫圖

曲渚暑雨褪菡萏含夕清維舟楊柳岸嘒嘒涼蟬鳴川
光何澈灩澄波浩方盈香氣襲衣袂淡蕩微颺生搖漾
露華滋的的葉上明念茲君子德奉芳掇其英江門風
月在古人有餘情

題趙忠毅詩卷手蹟後

詩爲忠毅罷考功後家居時作味槩忠毅齋名

秋風昨夜入我廬，階除颼颼推高梧。有客示我忠毅卷，
再拜不覺生嗟吁。神宗中年天已醉，四大害疏陳訐謔。
僉主秉國集醜類，正士屏斥悲何辜。考功秩罷返鄉里，
俯仰身世多躊躇。虞味磔齋前，台歡底卷中有合歡花詩撫時曷

免心鬱紆廟堂水火互爭鬪，郊原豺虎增毒痛。公詩委
婉得諷諭，擬以擊筑母乃翁。後來起用防憲府，太阿枋
倒歸闕奴海內三君頰，側目一網欲盡東林徒。公亦遣
戍代州死，汪文言獄真冤誣人之云亡國殄瘁勝朝事。
往浮雲徂吾鄉，顧高與公匹。遺翰零落多湮蕪，斯人精
氣永不滅。神明尚與墨妙俱，勁節可屈鐵如意。千載人

識顧與厨中宵展卷燭屢跋起視明月霜天孤

陶雲汀編修使蜀還京屬題皇華初稟二首

極目河山百二重平生足未到秦中黃流地繞嶠函險
白帝天開華嶽雄關下銅仙辭夜月原頭石馬臥秋風
知君蹋徧褒斜路陳跡蒼茫萬古同

蜀道崎嶇自詠詩每因懷古不勝悲蒼黃劔外乘騾日
割據巴西躍馬時籌筆雲迷諸葛壘浣花春老少陵祠
百年星使掄才地除却漁洋更屬誰

漁洋有
蜀道集

爲李石農題龍湫觀瀑圖

黑風怒捲洱海月荷戈去踏天山雪刀環萬里檢歸囊

篋貯龍湫水千尺龍湫水雁宕山巖竇奔瀑穿孱顏神
僊窟宅我未到惟子昔日曾躋攀藤臂高垂猿女挂寨
裳濯足遊戲乎其閒石上橫飛雲片片天半斜懸千匹
練蜿蜒怪物真有靈畫劈林扉閃雷電豁然洞壑開庭
宮坐聽冰玉聲玲瓏剪刀之峯剪不斷銀潢倒景搖天
風一別於今數年矣彷彿瀑聲猶在耳回頭何似武陵

源蒲團夢醒深巖裏

圖作蒲團象

請告後補題歸畊圖卷十六韻

此日猶昨日今吾非故吾蒙 恩尙軒冕

諭令目疾愈後仍來京

發興已江湖敢厭親刑柄應知秉道樞乾坤雙胛在日

月跳丸徂自有樓名可

高子水居
有可樓

何妨谷號愚老當甘

退鷁去合狎眠鳧曾種瓜三畝重尋芋一區緒風搖翠

柳疎雨溼紅芙白鹿行堪跨烏犍亦可驅邨翁隔籬語

稚子入林呼舊佃供香稻新鄰煮晚菰炊煙接樵舍饁

餉出山厨已讓雙龍輩眞成沮溺徒松閒安藥曰花下

置茶鑪未著歸田錄先攜荷插圖太平喜無事識字一

畊夫

天啟小斧歌

斧藏英照
齋司農處

勝國宮中一把斧傳說君王手常撫銷沈鐘簋付滄桑

此物還未豕塵土斧上分明小字鐫紀元天啟龍飛年

形質短小劇精悍厥制利用殊完堅委鬼當頭矯詔旨
奉聖夫人侍牀第內苑纔看內操回暖閣旋聞斧聲起
神宗御宇卅餘稔袖手九重政多秕奈何阿枋復倒授
日尋斧斤戕正士椽人反倖逃斧鑕誰握神器乃如此
君不見元氣斲大廈圯小木匠明天子

菊溪宮保解督篆將還京師而余已行有日矣恐
不及見以詩寄懷

軍府遙看橫浦東忽聞辭職劇恩歸田心事誰知我
平海勳名已讓公父老難爲五嶺別郊垆無復一尊同
扁舟獨進滄江路流水桃花繫短篷

同人以余將歸祖餞殆無虛日以詩畱別并寄桂
船中丞

頻年共住 帝城隈惜別重登郭隗臺送我聯吟添舊
卷幾人載酒勸深杯三春嶺海無歸雁一夜江關正落
梅去謁詩翁真咫尺聽鐘樓畔暫徘徊

桂船尊人旭亭先生新贈余聽

鐘樓
詩藁